

Efesios

Efeso majaräre gojabeoñumi Pablo

1 ¹Yũhu Pablo Goãmũ ïgu gamero dopa ta Jesucristo yũre ïgu yare buhedore apidigũ áhraa. Eropigũ mũare Efeso majaräre gojabeoa. Mũare Jesucristore ðaro umupeoräre gojabeoa yũhu. ²Goãmũ mari Pagũ mera Jesucristo mari Opũ mera mũare ðadore. ïgu mũare itamuri mera ðaro árĩque mũa.

Cristo yarã mari árĩcũ ïagu Goãmũ ðaro iimi marire, arĩ gojañumi Pablo

³Goãmũ mari Opũ Jesucristo Pagũ marire ðaro iiniguicãmi. Árĩpehreri ïgu ya ðari mera ïgu mari pepirire ðarire ohomi mari ïgu pohro árĩro dopa. Marire sĩporã turacũ iimi. Cristo yarã mari árĩcũ ïagu eropa marire ðaro iimi. Gua ïgu eropiicũ ïha ðaro umupeoa. ïgũre ðaro wereniguia. ⁴Õpa iipũ ïgu marire ïgu yarãre: I yeba árĩboro coregue ïgu yarã árĩmoräre beyemũhtarũ ïgu marire. Eropa beyegu ïgu marire ïgu ïarore ñeri iiro marirã mari árĩmoräre iipũ. Eropigũ ïgu marire “Ñerã áhrima, arĩsome. ⁵Marire mahigũ mojomoro ïagu iribojegue õpa arĩmũhtarũ ïgu marire: “Yũ magũ Cristo ïgu itamuro mera erã ya porã ðaro árĩraca,” arĩ apipũ marire iribojegue ta. ïgu gamediro dopa ta eropa iipũ ïgu marire. ⁶Marire ïgu eropa ðaro iicũ ïarã umupeoa. ïgũre ðaro wereniguia. ïgu magũ ïgu mahigũ Jesucristo yarã mari árĩcũ ïagu, ðaro iimi ïgu marire. ⁷⁻⁸Eropigũ ïgu magũ Jesucristo ïgu di cóãgu siringũ mari ñeri iira dipuwajare wajayebasadi árĩmi. ïgu eropa wajayebasacũ mari ñeri iirare cãdijidi árĩmi Goãmũ. Eropigũ marire turaro mahigũ, marire mojomoro ïagu eropa iipũ Goãmũ. Eropigũ marire peamegue waboniräre taudi árĩmi. ïgu ðaro masipehori mera eropiipũ ïgu. Eropirã ïgũre ðaro wereniguia. ⁹⁻¹⁰Eropigũ ïgu marire ïgu iiborore marire masicũ iimi. Iribojegue majaräre irire masicũ iibirimũripũ ïgu. Õpa áhraa marire ïgu iiboro. ïgu gamediro dopa ta ïgu pepidiro dopa ta árĩpehreräre Cristo dorero doca árĩcũ iigũcumi. Eropigũ árĩpehrerire ïgu ya árĩcũ iigũcumi. ïgu queorasubu árĩcũ mũmaro majaräre, i yeba majarã sãre ïgu dorero doca árĩcũ iigũcumi ïgu. Eropigũ mũmaro maja sãre i yeba maja árĩcũ sãre ïgu ya dihta árĩcũ iigũcumi. Eropigũ Jesucristopũ árĩpehrerã weca opũ árĩgũcumi. Eropiro árĩpehreri ïgu ya dihta árĩroca. Eropa árĩbure árĩdorepũ Goãmũ ïgũre.

¹¹Eropi Cristo yarã mari áriBORORE masiyugu Goãmũ marire beyetuhapũ ãgu yarã árimorãre. I áriPEHrerire apipũ ãgu, ãgu pepidiro dopa ta ãgu gamediro dopa ta iibu. ¹²Ãgu eropiipũ ãgu yare gũa iBORORE. ãgu yare gũa õaro iicũ ãarã gajirã sã ãgure umupeorã “Turagu áhrimi,” arĩrãcoma. Gũapũ judio masa Cristore gamenũganirã árirã ãgure umupeomũhtanirã áribũ. ¹³Mũa sã diaye wereniguirire, õari buherire peeabũ. Iri buheri mera ta Goãmũ pohrogue warãca mũa. Irire peerã ãgure umupeoa. Eropirã ãgu yarã wahabũ mũa. Õpa arĩpũ Cristo: “Yũre umupeorãre Espĩritu Santore obeogura,” arĩ werepĩpũ. Eropĩgu ãgure mũa ña iBORORE. ãgu yare gũa õaro iicũ ãarã gajirã sã ãmupeocũ ãagu ãgu Espĩritu Santore odĩgu árimi mũare. Eropĩgu ãgure mũa opacũ, “Jesucristo yarã áhraa,” arĩ masicũ iimi ãgu mũare. ¹⁴Goãmũ marire taricũ iiami. Eropĩgu pũhrũ ãgu pohrogue aĩagũcumi marire ãgu oburire marire obu. Marire aĩaboro core Espĩritu Santopũ mari mera áhrimi. ãgu mari mera áricũ Goãmũ mera mari áriBORORE õaro masia. Goãmũ marire ãgu eropĩcũ ãarã ãgure umupeori mera, “Õagu áhrimi,” arãa mari.

Pablo Goãmũre serẽbasañumi Jesu yarãre

¹⁵⁻¹⁶Eropĩgu Jesucristore umupeorã mũa áricũ peebeo, áriPEHrerã ãgu yarãre mũa umupeo mahirire peebeogu Goãmũre “Õhaa,” arãa. Eropĩgu ãmuri nucũ serẽbasaa mũare Goãmũre. ¹⁷Mari Pagũ ãmaro majagu ãgu yare mũare õaro masicũ iidoregu serẽbasaa. Eropĩgu ãgure mũa õaro masinemoboro dopa serẽbasaa. ãgu Goãmũ Jesucristo mari Opũ Pagũ áhrimi. ¹⁸Eropĩgu mũa õaro masiboro dopa mũare serẽbasaa Goãmũre. ãgu mũare taugũ, ãgu yarã árimorãre iimi ãgu mũare. Eropĩgu mũare ãgu yarãre ãgu pohro õaro wacũ iigũcumi. Irire mũa õaro masiboro dopa serẽbasaa yũhũ Goãmũre. Eropĩgu ãgu marire oburi sãre “Õataria áhraa,” iri mũa arĩ mũa masiboro dopa serẽbasaa. Õpa mũa masiboro dopa serẽbasaa mũare Goãmũre. ¹⁹Mari Jesucristore umupeorãre ãgu itamugũ, ãgu turari mera ãgu iimi. ãgu gajirã tauro turagu áhrimi. Mũare iri sãre õaro masiboro dopa serẽbasaa mari Pagũ Goãmũre. ²⁰ãgu turari mera Cristo sĩridĩgure masudĩgu árimi. Eropĩgu ãgu turari mera ãmarogue ãgu diayepũ Cristo ãgu doacũ iidi árimi Goãmũ áriPEHrerãre ãgu doreboro dopa. ²¹Ero doagu áriPEHrerã ãmaro majarã oparã weca, áriPEHrerã dorerã weca áhrimi Cristo. Eropĩgu i ãmũ majarã weca opũ, gajipũ majarã sã weca opũ, áriPEHrerã dohpague majarã, gajisubũ majarã sã, pũhrũgue majarã sã erã weca opũ áribũ ta áhrimi ãgu. ²²Eropĩgu áriPEHrerã weca, áriPEHrerĩ weca apipũ Goãmũ Cristore. Eropĩgu áriPEHrerire opũcũcũ iipũ ãgure. Eropĩro Cristo yarã yuju curu árirã erã opũ áribure acupũ ãgure. Erã dipuru iro dopa árigũ áhrimi ãgu. ²³Cristo yarã yuju curu árirã ãgu dũpũ iro dopa árirã áhraa mari. Cristo áriPEHrerogue árinĩguimi. Eropĩgu mari ãgu yarã mera árinĩguigu marire itamunĩguicãmi.

Goāmũ marire mahigu, mojomoro iagu taupũ marire, arĩ gojañumi Pablo

2 ¹Neri dipuwajacubonirã peamegue dederebonirã áriquerecũ ta Goāmũ muare taumi. ²Iribojegue i yeba majarã Goāmũ tarinugarã iro dopa iimurinirã áriribũ mũa. Eropirã watĩ iegu gamero dopa ta iimurinirã áriribũ mũa. Iegu watĩ i yeba doregu Goãmure tarinugarã opu áhrimi. ³Iribojegue áripehrerã mari opa dihta iinirã áriribũ. Mari ñeri dihtare uaribejaribũ. Mari ejatuharo mari pepiro dopa iimuriribũ. Eropa árirã gajirã áripehrerã iro dopa ta mari sã ñerã árimuriribũ. Mari áripehrerã masa mera eropa árirã áricũ iagu Goāmũ mari mera guagu dipuwaja moadiaripu. ⁴Eropa iidiaqueregu ta marire turaro mahigu mojomoro iapu. ⁵Eropa mahitarigu mari ñeri iira waja peamegue dederebonirã mari áriquerecũ ta marire iegu mera áriniguimorã áricũ iimi. Jesucristo iegu sribasara mera mari iegu yarã áricũ marire iimi. Marire mojomoro iagu taumi iegu marire. ⁶Goāmũ Jesucristo sridire masugu iegu pohro apidigu árimi áripehrerãre dorebu. Eropigu iegu mari sãre iegu yarãre Cristo dorerire opacũ iimi. Eropirã iegu pohro iegu mera árirãca mari. ⁷Eropiimi iegu puhugue majarã marire iegu mojomoro iarare erã masiboro dopa. Jesucristo marire iegu oaro itamura mera iegu masare turaro iegu mahirire ihmumi. ⁸Cristore mari umupeocũ Goãmũ marire taricũ iimi. Marire mahigu iegu pohro ejacũ iigucumi. Mari gamero oaro iiricuri mera Goãmũ pohro ejadiarã ejamasisome. Mari iibiriquerecũ apimi mari iegu pohro ejaburire. Eropiro waja mariro mũari nũcu iegu mera mari áriburire ohomi marire. ⁹Mari basi tarimasibirica. Mari iiri mera mari gamero mera tarirã mari “Gua basi taria,” arĩboca. Goãmũ marire taumi iegu pohro mari wamorãre. ¹⁰Jesucristo yarã áricũ iimi marire Goãmũ. Eropigu Jesucristo yarã mari áricũ iagu oarire iirã dihta wacũ iimi marire. Iribojegue iañumi marire oarire iimorãre.

Cristore oparã oaro áhraa, arĩ gojañumi Pablo

¹¹Eropirã mũa ero coregue áricurare dohpague sãre guñaque. Muare judio masa áribirãre gua judio masapu ihaturimuribũ. Gua circuncisión iinirã gasiro merogã wiri aínirãpu muare gasiro merogã wiri aibirãre “Goāmũ yarã áribeaa mũaru,” arimuribũ muare. ¹²Irisubure mũa Cristo yarã áribirã boje majarã árimuribũ. Goãmũ beyenirã judio masa iro dopa áribirimuribũ mũaru. Mũa eropa árinirã iegu beyenirã mera pepuri majarã ihaturirã árimuribũ. Goãmũ muare “Masare oaro iigũra,” iegu arĩ apinirã áribirinirã áriribũ mũa. Mũa ñeri dipuwaja peamegue wabonirã árirã áriribũ mũa. Goãmũ moorã árinirã peamegue dederebonirã árinirã áriribũ. ¹³Dohpaguepũre Jesucristo yarã áhraa pare mũa. Iribojegue boje majarã árinirã áriquererã, dohpaguere iegu yarã áhraa pare mũa. Cristo mũa ñeri dipuwaja crusague iegu di cóara puhũ Goãmũ yarã áricũ iimi muare. ¹⁴Eropigu judio masare mũa ihaturirã áricũ Cristo marire bosadigu árimi. Masare bosagu áhrimi iegu. Judio masa, judio masa áribirã mera pe curu mari áricũ

ĩagu ĩgu marire yuju curu ta áricũ iidi árimi. Mari ĩhaturiri duhucũ ôaro mera áricũ iimi ĩgu marire. ¹⁵⁻¹⁶Ôpa iimi ĩgu marire. Mari ñeri dipuwaja crusague sĩrigũ, marire peamegue wabonirãre taugũ iimi. Eropa taugũ ĩgu yarã ĩgu iimi marire. Eropigũ mari ĩgu yarã wacũ pe curu mari áriquerecũ ta yuju curu ta mama curu iimi marire. Eropigũ iribojegue mari game ĩhaturinirã áriquerecũ ta marire crusague sĩribasagu bosadigũ árimi. Eropigũ judio masa doreri pehrecũ iimi ĩgu. Erã doreri marire dũca wayoro pe curu majarã wacũ. Eropigũ yuju curu ta áricũ iimi pare. Eropigũ Cristo Goãmũ yarã áricũ iimi marire.

¹⁷Eropigũ marire bosagu arigu ôari buherire Goãmũ mera ôaro árĩburire weregu aridi árimi. Mũa judio masa árĩbirã Goãmũre opabirã boje majarã árĩnirã árĩribũ. Mũa eropa áricũ ĩagu mũare ôari buherire weregu aridi árimi. Gũa judio masa sãre Goãmũ yare oparã sãre weregu aridi árimi. Eropigũ árĩpehrerãre marire bosagu aridi árimi ĩgu. ¹⁸Dohpaguere árĩpehrerã gua judio masa, mũa judio masa árĩbirã sã mari Pagũ mera ôaro árimasia mari. Espĩritu Santo ĩgu itamuri mera Cristopũ marire eropa áricũ iimi. ¹⁹Eropirã dohpaguere mũa boje majarã árĩbea. ĩgu ya curu majarã ta áhrea. Goãmũ yarãre ĩhaturirã árĩbea. Goãmũ yarã mera majarã áhrea pare. ²⁰Goãmũ yare weremũhtanirã iribojegue majarã ĩgu ya wereniguirire goja, masare weremũriũuma. Gũa sã ĩgu yare buhedore apinirã Jesucristo ya ôari buherire werea masare. Gũa árĩpehrerã eropa werecũ peerã Cristore umupeonũgabũ mũa. Cristopũ áhrimi mari árĩpehrerãre ĩgu yarã áricũ iigu. ĩgu eropa iibiricũ mari ĩgu yarã árimasibiriboya. ²¹Eropigũ ĩgu turari mera marire ĩgu yarãre yuju curu ta áricũ iimi ĩgu marire. Eropirã ĩgu turari mera ôarã wahaa mari. Mari eropa áricũ ĩagu ĩgu mari Opũ ta mari mera áhrimi. ²²Eropirã Cristo yarã árĩrã árĩpehrerã gajirã mera ĩgu yarã mera yuju curu wahabũ mũa sã. Mũa eropa wacũ Goãmũ ĩgu Espĩritu Santo mũa mera áhrimi.

Judio masa árĩbirãre ôari buherire wereñumi Pablo

3 ¹Mũa judio masa árĩbirã eropa ĩgu ya curu majarã árĩburire yũ werera dipuwaja peresugue áhrea yũhũ. ²Mũare judio masa árĩbirãre Jesucristo yare buhebure Goãmũ yũre apimi. Yũre mojomoro ĩagu, yũre mahigu ôari buherire yũre weredoregu, yũre apimi. Irire peetuhabũ mũa. ³Iribojegue masa erã masibirirare Goãmũ dohpaguere yũre masicũ iimi. Ire merogã were mũare gojabeotuhabũ. ⁴Yũ eropa gojabeorare buherã Cristo ĩgu yare yũ masirare masirãca mũa sã. ⁵Iri ĩgu wererare iribojegue majarãre ĩgu erã masipehocũ iibiripũ. Dohpaguepũre guare Jesu ĩgu apinirãre Goãmũ yare weremũhtarã sãre irire masipehocũ iimi Goãmũ. ĩgu Espĩritu Santopũ guare masicũ iibasami. ⁶Ôpa áhrea ĩgu werera gajirã masibirira: Judio masa dihtare Goãmũ itamubeami. Judio masa árĩbirã sãre ĩgu itamumi. Ôari buherire erã ôaro peecũ itamugũcumi ĩgu erãre. Eropirã gua judio masa, mũa judio masa árĩbirã mera yuju dũpũ iro dopa yuju curu ta áhrea mari. Eropirã mari árĩpehrerã Jesucristo yarã árĩrã yujuro mera Goãmũ ĩgu masare “Ôaro iigũra,” ĩgu arĩ werepirare oparãca mari.

⁷Goãmũ mojomoro ãgũ yũre mahigũ ire òari buherire werebure yũre apimi. Ìgũ masiri mera apimi ãgũ yũre. ⁸Árĩpehrerã gajirã Jesucristo yarã erã doca árĩrã erã docague majagũ gohra àhraa yũhũ. Yũ eropa árĩquerecũ ta judio masa árĩbirã òari buherire werebure apimi Goãmũ yũre. Iri buheri Cristo òatariagu ãgũ árĩrĩre, òatariari ãgũ oparĩre, òaro ãgũ oburire werebure apimi yũre. ⁹Yũre eropa apigũ Goãmũ “Òpa masare taugũca,” arĩgũ, árĩpehrerã masare dohpa ãgũ itamuborore òaro werepehobure apimi yũre ãgũ. Goãmũ árĩpehrerire ìhacũnugudigũ àhrimi. Iribojegue majarãre irire masare ãgũ tauborore masare werepehobirinipũ Goãmũ. Dohpaguere yũre iri òari buherire weredoregũ apimi masare ãgũ òaro tauborore masicũ iibu. ¹⁰Eropirã iri buheri mera masa ãgũ yarã wahama. Erã eropa wacũ ìha ùmaro majarã oparã anyua Goãmũ masipehogũ ãgũ árĩricũrĩre masima. Erã eropa masicũ gamepũ Goãmũ. ¹¹Eropigũ i yeba árĩboro coregue ta “Masare peamegue wabonirãre taugũra,” arĩtuhaupũ Goãmũ. Eropa arĩdigũ arĩgũ dohpague mari Opũ Jesucristo ãgũ sĩriro mera ãgũ arĩdiro dopa ta marire taudi árĩmi. ¹²Ìgũ eropa taucũ dohpaguere Cristore umupeorã ãgũ yarã wahaa mari. Ìgũ yarã árĩrã gũiro mariro Goãmũ mera wereniguimasia mari. Eropirã gũibiricãque mũa. ¹³Eropirã òari buherire yũ wereri waja dohpaguere peresugue arĩgũ yũ ñero taricũ ìarã bujawerenijarã Goãmũ yare duhubiricãque. Òari buherire yũ werecũ peerã Goãmũ yarã wahabu mũa. Yũhũ eropiira dipuwaja peresugue àhraa. Eropa arĩgũ mũa ãgũ yarã árĩburire ñero tarigũ iiaa. Eropigũ turaro mucubiridorea mũare.

Cristo masare turaro mahimi, arĩ gojañumi Pablo

¹⁴Eropigũ i árĩpehrerire mari Opũ Jesucristo Pagũ ãgũ iirare guñagu mereja ãgũre serẽbasaa mũare. ¹⁵Árĩpehrerã ãgũ yarã Pagũ àhrimi. Ìgũ árĩpehreri cururi majarã ãgũ yarã ãgũ pohrogue árĩrã i yeba árĩrã sã erã Pagũ àhrimi. ¹⁶Ìgũ masipehogũ àhrimi. Turatarigũ àhrimi. Eropigũ ãgũre òpa serẽbasaa mũare. Mũare sĩporã ãgũ masiri mera òaro turacũ iiboro dopa serẽbasaa mũare. Eropigũ Espĩritu Santo ãgũ itamuri mera eropa iigũcumĩ. ¹⁷Eropigũ Cristore “Diaye iigũ àhrimi,” mũa arĩ umupeonemoboro dopa ãgũ mũa mera òaro árĩboro dopa serẽbasaa mũare. Eropigũ gajirãre òaro mahirã mũa árĩboro dopa, Cristo ãgũ turaro mahirire mũa masiboro dopa serẽbasaa mũare. ¹⁸⁻¹⁹Mũa árĩpehrerã gajirã Goãmũ yarã mera “Cristo ãgũ marire turaro mahimi,” mũa arĩmasiborore serẽbasaa mũare. Ìgũ mari masare turaro mahigũ àhrimi. Ìgũ mahiri eropa òatariari árĩcũ mũa òaro masiboro dopa serẽbasaa mũare. Eropigũ ãgũ mahirire mũa masicũ gahmea Goãmũ mũa mera ãgũ òaro árĩboro dopa. Eropigũ irire serẽbasaa mũare Goãmũre.

²⁰Eropirã Goãmũre wũaro umupeori mera “Ìgũ turagu àhrimi,” arĩrãca. Ìgũ turari mera òaripũre gohrotomasimi ãgũ marire. Marire òarã árĩcũ iimasimi. Mari serẽra tauro iimasimi ãgũ. Mari gamerire, mari pepira tauro iimasimi ãgũ. ²¹Jesucristo yarã mari árĩcũ ìha Cristo ãgũ árĩricũri sãre ìha árĩpehrerĩre. Eropigũ

ĩgu mahirire mũa masicũ gahmea Goãmũ mũa mera ĩgu õaro áriboro dopa. Eropigu irire serēbasaa mũaruri áripehrerã Goãmũre umupeoporo. Eropa ta iiporo.

Cristo yarã árirã yuju curu ta áhraa mari, arĩ gojañumi Pablo

4 ¹Mari Opũre yũ itamuri waja peresugue árigũ mũare turaro werea yũhũ. Goãmũ ĩgu yarã árimorãre mũare beyepũ. Eropirã ĩgu beyenirã árirã ĩgu áridorediro dopa ta õarã árique mũa. Irire mũare werea yũhũ. ²Õpa iirã õarã árique mũa: “Gajirãre masitarinũgaa yũhũ,” arĩ pepibiricãque. Gajirãre õaro mera iique. Eropirã guabiricãque. Mũa mera majarã mũare gariboquerecũ ta erãre umupeori mera yuju diaye ñacãque. ³Eropirã Espĩritu Santo ĩgu itamuri mera õaro mera yujuro mera áriniguique mũa. Eropirã gamequeãro mariro áricãque mũa. ⁴Yuju ðũpũ iro dopa yuju curu ta áhraa mari. Eropigũ Espĩritu Santo yujugũ ta áhrimi marire. Eropigũ Goãmũ ĩgu yarã árimorãre marire beyemũripũ marire itamubu. Eropirã ĩgu itamuborore masia mari. Iri mari masirañe yujuñe ta áhraa. ⁵Mari Opũ Cristo mari umupeogũ yujugũ ta áhrimi. ĩgu buheri sã yujuñe ta áhraa. ĩgu yarãre waĩyeriñe sã yujuñe ta áhraa. ⁶Eropigũ Goãmũ yujugũ ta áhrimi. ĩgu áripehrerã Pagũ áhrimi. Eropigũ áripehrerã weca mari Opũ áhrimi. Eropigũ áripehrerãre marire itamumi ĩgu. Áripehrerã mari mera áhrimi ĩgu. Eropigũ áripehrerogue áhrimi ĩgu.

⁷Yuju curu mari áriquerecũ ta áripehrerã marire yujurãyerire mari mohmemasiburire apidi árimi marire Cristo. ĩgu eropa apidiro dopa ta mohmemasia mari. ĩgu marire eropa apigũ gajinore ĩgu eropa ocãbodiro dopa ta apidi árimi ĩgu marire. ⁸Eropa ta áhraa Goãmũ yare erã gojarapũgue sã:

Goãmũre ñaturirãre ĩgu tarinũgara pũhrũ ĩgu dipaturi mũria wagũcumi. Eropigũ masare baja eropa ocãgũcumi, arĩ gojañuma iribojegue Jesucristo ĩgu eraboro coreguere.

⁹Erã eropa arĩ gojarã õpa werediarã iiriñuma: Jesucristo mũmsigue mũria wadigu árigũ ĩgu ero coreguere dijarimũhtadigu árimi. I yebaguere dijaridigu árimi. ¹⁰Eropigũ ĩgu dijaridi mũria wadi ta árimi Goãmũ pohrogue. Áripehrero weca mũria wadi árimi ĩgu áripehrerogue áribu. ¹¹Eropigũ ĩgu yarãre baja eropa ocãgu erã Goãmũ ya áriburire mohmemasiburire apidigu árimi. Erã mohmemasiburire õpa apidigu árimi ĩgu yarãre. Yujurãyerire Cristo ĩgu buherare buhemorãre apidi árimi. Gajirãre Goãmũ yare weretaumorãre apidigu árimi. Õari buherire buhe curimorãre gajirãre apidi árimi. Cristo yarã gamenererã oparã árimorãre erãre õaro buhemorãre apidi árimi gajirãre. ¹²Eropa dihta apidigu árimi marire gajirã ĩgu yarãre mari game itamuboro dopa. Eropa apidigu árimi marire ĩgu yarãre, ĩgũre mari umupeonemoboro dopa, sĩporã turarã mari waboro dopa. ¹³Eropirã mari áripehrerã õaro mera, yujuro mera árirãca. Eropa ta áriro gahmea marire Cristore umupeorã árirãre. Eropirã mari áripehrerã Goãmũ magũre Jesucristore õaro masirãca. Eropirã Cristo turagũ, pee masigu ĩgu áriro

dopa ta, mari sã pee masia warãca. ¹⁴Mari eropa warã majirãgã iro dopa árisome mari. Majirãgã iro dopa ta áriřã õaro pee masinibeama dohpa. Eropirã gajirã gũyarã erãre buherã eracũ “I diaye ãhraa,” erã aricũ erã peema. Pũhrũ gajirã gajiropa áriři buherire buherã eracũ erã sãre peema. Erã iro dopa árisome mari. ¹⁵Eropa áriřbirã mari mera majarã mera game mahirã diaye ta wererire game wererãca mari. Eropirã majirãgã erã buga erã pee masirã erã waro dopa ta mari sã Goãmũ yare pee siporã turarã Goãmũ yare õaro masirã warãca. Cristo ãgũ áriři dopa ta warãca. ãgũ ãhrimi mari dipuru. ¹⁶ãgũ yarã áriřã ãgũ dũpũ iro dopa yuju curu ta ãhraa mari. Mari bajarã áriřquererã ta yujuro mera õaro áriřã iiaa. Mari eropa áriřborore Cristo itamumi. Eropirã mari yuju dũpũ iro dopa õaro gamesurĩã mari õaro itamua gajirãre Cristo yarãre. Eropirã mari mera majarãre Cristo yarãre õaro mahirã, erãre õaro itamurã, turarã, Cristore umupeonemorã áriřrãca mari.

**Cristo yarã warã mari ñerire duhu, õaripũre
gohrotoa mari, arĩ gojañumi Pablo**

¹⁷Eropi mari Opũ Cristo ãgũ dorero mera õpa werea mũare. Goãmũre gamebirã gohra iiro dopa iibiricãque mũa. Erã, erã pepiripũ ñeri dihta ãhraa. Eropiro erã pepiri duhpiburi áriřbeaa. ¹⁸Eropigũ watipũ Goãmũ yare erãre peebiricũ iimi. Eropirã Goãmũ yapũre peebirigohracãma. Peediabeama erã. Eropirã Goãmũ ãgũ õaro áriřdoređiro dopa ta áriřbeama erã. ¹⁹Eropirã erã ñerire iirã ne gũhyasiribirigohracãma. Eropirã ne bujawerebeama. Ñerire erã uaribejari dihtare iiniguiçãma. Áriřpehreri ñerire erã iirire ne duhudiabirã iinemoniguiçãma. ²⁰⁻²¹Mũapũ diaye ta ãgũ yare peerã mũa áricũ, Jesucristo yare õaro masirã mũa áricũ mũapũre erã ñero iiro dopa iidorebeami Goãmũ. ²²Iribojegue ñerire iiniguiçãrã mũa áricũ iri ñeripũ mũare goroweoro iidiro áriřbũ. Iri ñeri iiri mera mucubiridiaquererã ta ne mucubirimasibirimũribũ mũa. Eropirã “Iribojegue mũa áriřrãre duhucãque,” yũ mũare arĩ buhecũ peebũ mũa. ²³Eropirã mũa pepiripũre õaripũre gohroto gahmea mũare. ²⁴Ero core mũa ñero iirare duhucãque. Eropirã õaripũre gohrotonirã áriřque mũa. Goãmũ ãgũ õagu áriřdiro dopa mũare õarã áricũ iimi. ãgũ eropa iinirã áriřã õarire iiniguiçãrãca. Eropirã ñerire gamebirãca.

²⁵Mari yuju dũpũ iro dopa yuju curu majarã ta áriřã iiaa. Eropirã mũa basi gũyabita. Mũa mera majarãre diaye wereque gũyaro mariro.

²⁶Gajirã mera guarã, erãre ñero iibiricãque. Mata irinũ ta amucãque gua wajaro mariro. ²⁷Yoari boje guarã watĩ ãgũ gamero dopa iirã iiaa. Eropa iibiricãque.

²⁸Gajirã mũa mera majarã Jesu yarã erã áriřboro core yajari masa áriřinirã áriřnorã. Dipaturi yajabiricãporo. Eropirã dohpaguere õaro mohmeporo. Mojomorocũrãre oburire mohmeporo.

²⁹Ne ñero wereniguiçãque. Óarire wereniguirã gajirãre itamua mũa. Erã bujawererã erã áricũ ãarã eropa ta mucubiricũ iicãque erãre. Eropirã õari dihtare wereniguique. ³⁰Ñerire iirã Espĩritu Santore bujawerecũ iirã iiaa mũa. Eropa iibiricãque. Dohpaguere ne i mũũ pehrerinũ core, Cristo

marire ïgu aïgãboro core, Espiritu Santo marire ïhadibumi. Ñerire mari iibiriboro dopa ïhadibumi. Eropigũ Cristo yarã mari áririre masicũ iimi ïgu marire. Eropirã ïgure bũjawwecũ iibiricãque mua.

³¹Eropirã ne papũriniguibiricãque. Guanemobiricãque. Game dũyasonemobiricãque. Erãre ñero arĩ gaguiniguibiricãque. Gajirãre quere moanemobiricãque. Gajirãre ïhaturinemobiricãque. ³²Eropi mua mera majarãre ðaro mera ðaro iique. Cristo yarã mua áricũ ïagu mua ñerare cãdijicãmi Goãmu. Eropa ta mua sã gajirã muare erã ñero iicũ ïarã erã ñerire cãdijicãque.

Goãmu porãre ðpa áriro gahmea, arĩ wereñumi Pablo

5 ¹Eropirã Goãmu porã ïgu mahirã árirã ïgure ïhacũque mua. ²Eropirã gajirãre mahi umupeoniguicãque. Cristo marire mahigu, mari ñeri iira waja sĩripũ. Eropa sĩrigũ Goãmure mucubiricũ iipũ ïgu. Eropirã marire ïgu mahidiro dopa ta mua sã gajirãre game mahique.

³Eropirã Goãmu yarã árirã ne nome mera ñero iibiricãque. Nome sã uma mera ñero iibiricãque. Gaji ñerire eropa áririre ne iibiricãque. Gajinore gametaribiricãque. Ne eropa iibiricãro gahmea Goãmu yarã árirãre. ⁴Eropirã guhyasiuro wereniguibiricãro gahmea muare. Pee masibirã iro dopa wereniguibiricãro gahmea muare. Eropirã ñero arĩ wereyabiricãro gahmea. Ipũre iiro gahmea muare: Goãmure serẽro gahmea muare. Eropa serẽrã ïgure, “Óaro ïiabũ muhu guare,” arĩro gahmea. ⁵Gajinore gametarirã goãmarã wéanirãre erã umupeoro dopa iirã iiaa mari irire. Eropirã nome mera ñero iirã, ñeri dihtare pepirã, gajinore gametarinũgarã Goãmu Cristo mera ïgu opu áriroguere ne wasome erã. Irire ðaro masia mari. ⁶Ópa iirãre erã iira dipuwaja, turaro dipuwaja moagucumi ïgure tarinũganirãre. Eropirã gajirã muare gajiropa arĩmaacãcũ erã guyarire peebiricãque. ⁷Eropirã eropa ñerire iiniguicãrãre wapicubiricãque.

⁸Cristo yarã mua áriboro core mua sã eropa ta iinirã áriribũ. Dohpaguepũre ïgu yarã árirã, Goãmure ðaro masia mua. Goãmu yarã ðarire iima. Eropirã eropa ta iiro gahmea muare. ⁹Eropirã Cristo yarã árirã ðarire, Goãmu gamerire, diaye maja áririre iirãca mua. ¹⁰Óarire mari iicũ ïagu mari Opu Cristo mucubirimi. Eropa ðarire iiburire ðaro masique mua. Eropa masirã irire iique. ¹¹Cristore gamebirã ñeri erã iimaacãri ñeri gohra aãhraa. Eropa erã iiro dopa ta muapũ iibiricãque. Óari buherire Cristo yare wereque erãre. Eropirã erã ñeri iirare erãre masicũ iique. ¹²Masa erã ïabiro erã ñero iicorema. Erã eropa iirare mari wereniguirã guhyasiriboca. Eropirã ñetariaro iirã iima erã. ¹³Eropirã erãre ðari buherire mari wererã, ñetariarã erã áricũre erãre masicũ iirã iiaa mari. Erã ñeri iirare erãre masicũ mari iicũ erã ñeri iirare bũjawwewocoma. Eropirã ðaripũre gohrotobocoma. ¹⁴Iri diaye ta aãhraa. Eropirã ðpa wereñorã Goãmu yare wererã:

Ne, yũre peediabirã, yũre peeque. Mua ñero iirare bũjawwereque.

Irare ñero iirare duhuque. Eropigũ Cristo mua ñeri iirare masicũ ïgu, muare ðarire masicũ iigucumi, arĩñorã.

15 Eropirã umuri nũcu ðaro iique mũa. Pee masibirã iro dopa árĩbircãque. Pee masirã árĩque. 16 Dohpague majarã masa ñetariaro iiniguima. Eropirã mũapũ ðarire, Cristo yare mũa iiniguirã mata erã Cristo yarã árĩcũ itamuque. 17 Eropirã pee masibirã árĩbircãque. Goãmũ ìgũ gamerore ðaro masique. Eropirã irire iique. 18 Eropirã ne merebircãque. Mererã erã basi ñero goroweoma. Eropirã merediabirã, Espĩritu Santopũre bũrigã gameque. Ìgũre ðaro yũhrirã árĩque. 19 Eropirã mũa basi Goãmũre umupeori bayarire game bayaque. Eropirã Salmo gojaripũre, Goãmũ yare bayarire, gajĩ ìgũre umupeori bayari sãre ìgũre bayapeoque. Òaro guña umupeori mera bayapeoque. Eropirã mari Opũre “Òagũ àhrimi,” arĩ ðaro umupeoque. 20 Goãmũ mari Pagũ árĩpehrerire mũare ìgũ ðaro iirire guñaniguicãque mucubiriri mera. Mari Opũ Jesu yarã árĩrã ìgũre “Òhaa,” arĩniguicãque mũa.

Mũa yuju wihi majarã Jesu yarã árĩrã, òpa iique, arĩ wereñumi Pablo

21 Mũa mera majarãre game umupeo yũhrique. Mũa eropa game umupeo yũhrirã Cristo sãre umupeo yũhrirãca.

22 Mũa marasã nomere weregũra dohpaguere. Mari Opũre Cristore mari yũhriro dopa ta mũa marapũ sũmarãre ðaro yũhrique. 23 Jesucristo marire taudigũ árĩmi ìgũ ya curu majarã mari árĩboro dopa. Eropirã mari ìgũ ya curu majarã árĩcũ mari Opũ ìgũ árĩro dopa ta mũa marapũ sũmarã mũa marasã nomere weca oparã àhrima. 24 Eropirã Cristo yarã árĩrã ìgũre yũhria. Eropirã mari Cristore yũhriro dopa ta mũa marapũcũrã nome mũa marapũ sũmarãre ðaro yũhrirã nome árĩque.

25 Mũa marapũ sũmarã sãre weregũra dohpaguere. Cristo marire ìgũ yarãre mahigũ mari ya árĩburire sĩridigũ árĩmi. Eropirã marire ìgũ mahidiro dopa mũa sã mũa marasã nomere eropa mahiniguicãque. 26 Cristo marire ìgũ yarã árĩcũ iibu sĩripũ mari ñeri marirã árĩcũ iibu. Eropigũ mari ñerire coeweadĩ árĩmi ìgũ wereniguiiri mera deco mera ìgũ waiyeri mera. 27 Eropa coeweadĩ árĩmi ìgũ marire ìgũ yarã òarã árĩmorãre iigu. Ìgũ eropiicũ ñeri dipuwaja marirã árĩrãca ìgũ ìacũ. Ne merogã eropa árĩri ñeri árĩsome marire. Eropirã òarã Cristo iro dopa árĩrãca. 28 Eropirã mũa marasã nomere mahi umupeorã, mũa basi mũa dũpũre mũa umupeoro dopa ta mũa mũa marapore umupeoque. Ìgũ marapore umupeogu ìgũ basi umupeogu iimi. 29-30 Ne mari dũpũre ñero wacũ gamebea mari. Mari basi mari ya dũpũre ìhadibua. Cristo yarã árĩrã ìgũ dũpũ iro dopa àhraa. Eropigũ marire ìgũ ðaro ìhadibumi. Eropirã Cristo marire ìgũ ðaro iidiro dopa ta mari sã mari dũpũre ðaro iiaa. Mari marasã nome sãre eropa ta ðaro iiro gahmea marire. 31 Eropa ta àhraa Goãmũ yare erã gojarapũgue: Òpa gojara àhraa: “Eropi umũ ìgũ pagũ sũmarãre wirigũ, ìgũ marapo mera árĩcãgũcumi. Eropirã erã perã árĩquererã ta yuju dũpũ iro dopa árĩrãcoma,” arĩ gojañumi iribojegue. 32 I gojarare ðaro peebirinirã árĩma. Eropigũ irire ðaro weregũra mũare. Òpa werero iica: Cristo ìgũ yarã mera yuju dũpũ iro dopa ta yuju curu ta àhrima. 33 Eropigũ mũare òpa arĩ werenemogũra

daja: Mũ basi mũ mahiro dopa ta mũ marapo sãre mahi umupeoque. Eropirã nomepu mũa marapu sũmarãre õaro guhyadiaro mera umupeoque mũa.

6 ¹Dohpaguere majirãre weregũra: Mari Opũ Cristo yarã árĩrã mũa pagũ sũmarãre õaro yũhrirã árĩque. Mũa eropiirã õaro iirã iiaa. ²⁻³Õpa arĩñumi Goãmũ doregũ: “Mũa pagũ sũmarãre õaro umupeoque,” arĩ doreñumi ãgũ. I doreriñe mera Goãmũ werenemoñumi. Õpa arĩñumi: “Mũa pagũ sũmarãre umupeorã i yebaguere yoari boje mucubiriri mera árĩrãca mũa,” arĩ wereñumi. Eropa arĩgũ ãne doreriñe mera, “Mũa eropa iirã õaro árĩrãca,” arĩ weremũhtañumi Goãmũ. Eropirã ãgũ arĩdiro dopa mũa pagũ sũmarãre umupeoque mũa.

⁴Dohpaguere erã pagũ sũmarãre weregũra. Mũa porãre eropa turiniguibiricãque guacũ iiri arĩrã. Mari Opũ Cristo ãgũ mahiri mera ãgũ itamuri mera erãre õaro mera masuque. Eropirã erãre masurã õaro wereque.

⁵Dohpaguere pohro majarãre weregũra. Guhyadiaro mera umupeori mera i yeba majarãre mũa oparãre õaro yũhrirã árĩque. Guýaro mariro õaro yũhrirã árĩque. Cristore mũa yũhribodiro dopa ta yũhrique erãre mũa. ⁶Erã ãhuro dihtare yũhrirã árĩbiricãque yũre ãhasũaporo arĩrã. Erã ãhurore mũa yũhriro dopa ta erã ãbiro sãre õaro iirã árĩque. Cristo ãgũ pohro majarã mũa árĩbodiro dopa ta mũa oparã sãre eropa yũhriniguicãque. Eropirã Goãmũ ãgũ gamero dopa ta õaro mucubiriri mera mũa oparãre õaro yũhrirã árĩque. ⁷Eropirã “Cristopũre yũhrirã iiaa,” arĩ pepirã mucubiriri mera yũhrique mũa oparãre. ⁸Eropirã ire guñaque: Árĩpehrerã mari árĩpehreri õarire mari iicũ ãagũ Goãmũ õaro iigũcumi marire. Pohro majarãre, pohro majarã árĩbirã sãre õaro iigũcumi ãgũ.

⁹Eropigũ oparã sãre weregũra: Mũa pohro majarãre õaro iique. Erãre õaro yũ iidoreldiro dopa ta iique erãre õaro. Õpa masique. Õmũsi majagũ Goãmũ diaye ta erã opũ ãhrimi. Mũa yagũ opũ ãhrimi ãgũ. Eropirã mũa árĩpehrerã ãgũ pohro majarã dihta ãhraa. Eropigũ ãgũ yujuropa ãhami mũare árĩpehrerãre. Eropirã turibiricãque mũa pohro majarãre.

Cristo yarã watĩre erã cãhmotarire wereñumi Pablo

¹⁰Õpa weretugũra mũare. Õaro guñaturarã árĩque mũa. Mari Opũ Cristo mũa mera ãhrimi. Eropirã ãgũ ya turari mera guñaturarã árĩque. ¹¹Watĩ marire ãgũ pepiri mera gũyagũ ñero iidoremi marire. Mari Jesucristore umupeorire goroweodiami. Goãmũpu marire cãhmotami ñerire mari iibiriboro dopa. Marire ãgũ cãhmotaro surara ãgũ cãhmotari suhriro come suhriro iro dopa ãhraa. Eropirã iri suhri mera erã cãhmotaro dopa ta Goãmũ ãgũ yare iirã cãhmotaque watĩ ãgũ ñero iidorerire. ¹²Jesu yarã mari árĩcũ marire goroweodiarã masa gohra árĩbeama. Erã bajarã mũmaro majarã, ñerã, turarã, oparã erãpu ãhriima. Watĩ ãgũ mera majarã mera i mũmũ majarãre Jesucristo yarã árĩbirãre dorema erã. Eropirã erã mari Jesucristo yarã árĩcũ marire goroweodiami. ¹³Eropirã erã marire goroweobiricũ dohpaguere

Goãmũ yare opapehoque mũa cãhmotaborore. Eropirã watĩ mũare ñero goroweodiacũ, mũare ñgu ñero iidorecũ ñgũre cãhmotarãca. Eropirã tarinũgarãca. Eropã ñgũre tarinũgarã, turarã dujarãca mũa. ¹⁴⁻¹⁷Eropirã turarã áriñque Goãmũ ya mera. Surara gamewejẽrã warã erã come suhri sañarã erã dũpũre òaro cãhmotama. Erã coretihbi cãhmotama erã come suhriro sañarã. Come zapatu sañama. Erã diapore cãhmotama comese mera. Come sãpea peyama. Ñoserimijire opama erã cãhmotaboro dopa. Erã surara cãhmotaro dopa ta mũa watĩre òaro cãhmotapehoborore òpa Goãmũ yare iique. Diaye majare Goãmũ yare òaro peeque. Eropirã Goãmũ gamero dopa òarire iinĩguicãque mũa watĩre cãhmotamorã. Jesucristo ya òari buherire peerã òaro ãhraa. Eropirã iri òari buherire òaro wererã waque gajirãre. Watĩ mũare ñero iidorediarimi. Eropirã ñgũre cãhmotamorã Jesucristore “Diaye iigũ ãhrimi,” arĩ umupeonĩguicãque. Cristopũ marire peamegue wabonirãre taumi. Mũa ñgu taunirã árirã watĩ ñero iidorerire yũhribircãque. Eropirã watĩre tarinũgamorã Goãmũ yare òaro masique mũa Espĩritu Santo ñgu itamuri mera. ¹⁸Eropirã mũa watĩre cãhmotarã Goãmũre eropa mũmũri nũcũ serẽnĩguicãque. Espĩritu Santo ñgu itamuri mera serẽnĩguique. Eropirã òaro guña masique. Eropã serẽrã gariborebircãque. Áripehrerã Goãmũ yarãre eropa serẽbasanĩguicãque. ¹⁹Eropirã yũ sãre serẽbasaque Goãmũre. Òpa arĩ serẽbasaque: Òari buherire iribojegue masa erã òaro masibirirare òaro erãre masicũ yũ iiborore serẽbasaque. Eropirã gũiro mariro yũ wereborõ dopa serẽbasaque yũre. ²⁰Cristo ñgu yare weredoregũ yũre obeomi. Yũ eropa werera waja peresugue ãhraa dohpaguere. Yũhũ ohõ áriquerẽgũ ta gũiro mariro ñgu yare yũ wereborõ dopa serẽbasaque yũre. ñgu yare werebu áriñgu tĩiaa.

Pablo òadoretuñumi

²¹Tĩquico yũ mera majagũ mũa pohroque ejağũ yũ áriñcurire mũare werepehogũcumi. ñgu mari acaweregũ mari mahigũ ãhrimi. Eropigũ mari Opũ yare òaro itamugũ eropa árinĩguicãmi. ²²Gũa áriñcurire mũare weredoregũ ñgũre obeogũ iiaa mũa pohroque mũa òaro mucubiriboro dopa.

²³Goãmũ mari Pagũ mari Opũ Jesucristo mera mũare áripehrerãre gũa acawererãre òadorea. Cristore mũa òaro umupeori mera mũa game mahiboro dopa Goãmũre serẽbasaa mũare. ²⁴Áripehrerã mari Opũ Jesucristore eropa mahinĩguicãrãre Goãmũ mera òadorea. Eropã ta árinĩguicãporo. Iripẽta ãhraa.